

Trottinett

Ligge (Christian Hugelshofer, Patrik Meier, Monika Schär)

s'isch Mändig Morge und d'Sunne lacht
en Tag vor mir in voller Pracht
hüt wotti nid go schaffe
hüt wotti's eifach schön ha
i hänk' nomol en Sunntig dra

mini Wohnig isch ganz voll Staub
und im Garte het's e huuffe Laub
i finde grad kei Bäse
und finde grad kei Chraft
doch i trinke lieber Öpfelsaft

**o-o-o, a-a-a - i gloub' i fange nüd meh a
o-o-o, a-a-a - und ligge lieber no chli da**

mis Büsi hani scho lang nümm gseh
i gloub' es het kei Fuetter meh
i sötti mou go poschte
und sötti s'Chischtli lääre
doch i ligge lieber no chli häre

im Brief vor Gmeind stoht ziemli klar
sie müesse mini Stüürerklärig ha
wänd alles vo mir wüsse
und alles vo mir ha
doch Gäld isch mir nur Trallala

i niehmi die Ukulele do
und wirde jetzte voll abgoh
mit ganz ganz viel Tön
und ganz viel Harmonie
wott i vor Euch brilliere